

Na osnovu člana 3. Zakona o općoj sigurnosti proizvoda ("Službeni glasnik BiH", broj 45/04), a u vezi sa članom 14., tač. c), e) i j) Zakona o nadzoru nad tržištem u Bosni i Hercegovini ("Službeni glasnik BiH", broj 45/04) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na 108. sjednici održanoj 10. decembra 2009. godine, donijelo je

ODLUKU

O OGRANIČAVANJU STAVLJANJA NA TRŽIŠTE IGRAČAKA I PROIZVODA ZA DJECU KOJI SADRŽE FTALATE

Član 1. (Predmet)

Ovom Odlukom se propisuje ograničavanje stavljanja na tržište ili činjenje dostupnim na tržištu Bosne i Hercegovine igračaka i proizvoda za djecu koje sadrže hemijske supstance ftalate, mjere koje poduzimaju inspeksijski organi Federacije Bosne i Hercegovine, Republike Srpske i Brčko Distrikta Bosne i Hercegovine (u daljnjem tekstu: nadležni inspeksijski organi) i kaznene odredbe u svrhu primjene ove Odluke.

Član 2. (Definicije)

Pojmovi koji se upotrebljavaju u ovoj Odluci imaju slijedeće značenje:

- a) "ftalati" su esteri ftalne kiseline koji se koriste kao plastifikatori, odnosno omekšivači za povećanje elastičnosti plastičnih materija;
- b) "igračka" je svaki proizvod projektovan ili namijenjen za upotrebu u igri djece mlađe od 14 godina;
- c) "proizvod za djecu" je svaki proizvod koji je namijenjen da olakša san, opuštanje, higijenu, ishranu i dojenje djece;
- d) "supstance" su hemijski elementi i njihovi spojevi kakvi se pojavljuju u prirodnom stanju ili kakvi su industrijski proizvedeni;
- e) "preparat" je smjesa ili rastvor koji je sastavljen od dvije ili više supstance;
- f) "stavljanje na tržište" je prvo činjenje proizvoda dostupnim na tržištu Bosne i Hercegovine;
- g) "činjenje dostupnim na tržištu" je isporuka proizvoda za distribuciju, potrošnju ili upotrebu na tržištu Bosne i Hercegovine u okviru trgovinske djelatnosti, uz plaćanje ili besplatno.

Član 3.

(Lista ftalata na koje se odnose ograničenja)

(1) Sljedeći ftalati se ne smiju upotrebljavati kao supstance ili sastavni dijelovi preparata, u koncentracijama većim od 0,1% mase plastificiranog materijala, u igračkama i proizvodima za djecu:

- a) di (2-etilheksil) ftalat (DEHP), CAS broj 117-81-7, EINECS broj 204-211-0,
- b) dibutil ftalat (DBP), CAS broj 84-74-2, EINECS broj 201-557-4,
- c) benzil butil ftalat (BBP), CAS broj 85-68-7, EINECS broj 201-622-7,

(2) Sljedeći ftalati se ne smiju upotrebljavati kao supstance ili sastavni dijelovi preparata, u koncentracijama većim od 0,1% mase plastificiranog materijala, u igračkama i proizvodima za djecu koje djeca mogu staviti u usta:

- a) di -"isononil" ftalat (DINP), CAS broj 28553-12-0 i 68515-48-0, EINECS broj 249-079-5 i 271-090-9,
- b) di -"izodecil" ftalat (DIDP), CAS broj 26761-40-0 i 68515-49-1, EINECS broj 247-977-1 i 271-091-4,
- c) di-n-oktil ftalat (DNOP), CAS broj 117-84-0, EINECS broj 204-214-7.

Član 4.

(Prijelazni period)

U roku od 3 mjeseca od dana stupanja na snagu ove Odluke, uvoznici, proizvođači i distributeri ili njihovi ovlaštteni predstavnici su obavezni da sa tržišta povuku igračke i proizvode za djecu, koji sadrže više od 0,1% koncentracije ftalata iz člana 3., koje su već stavili na tržište, te da od potrošača izvrše povrat takvih igračaka i proizvoda za djecu.

Član 5.

(Primjena)

(1) Po isteku prijelaznog perioda iz člana 4. ove Odluke, zabranjuje se stavljanje na tržište ili činjenje dostupnim na tržištu igračaka i proizvoda za djecu koji sadrže više od 0,1% koncentracije ftalata.

(2) Po isteku prijelaznog perioda iz člana 4. ove Odluke, nadležni inspekcijski organi nalažu slijedeće mjere:

- a) povlačenje sa tržišta igračaka i proizvoda za djecu, koji sadrže više od 0,1% koncentracije ftalata, koji su stavljeni na tržište ili učinjeni dostupnim na tržištu,

- b) povrat od potrošača igračaka i proizvoda za djecu, koji sadrže više od 0,1% koncentracije ftalata,
- c) informisanje potrošača o ovom riziku na primjeren način.

Član 6.
(Kaznene odredbe)

- (1) Novčanom kaznom od 5 000 KM do 25 000 KM kaznit će se za prekršaj pravna osoba ako suprotno članu 5. ove Odluke stavi na tržište ili čini dostupnim na tržištu igračke i proizvode za djecu koji sadrže više od 0,1% koncentracije ftalata.
- (2) Novčanom kaznom od 1 500 KM do 10 000 KM kaznit će se fizička osoba i/ili poduzetnik za prekršaje iz stava (1) ovog člana.
- (3) Novčanom kaznom od 500 KM do 2 000 KM kaznit će se odgovorna osoba pravne osobe za prekršaje iz stava (1) ovog člana.

Član 7.
(Stupanje na snagu)

Ova Odluka stupa na snagu osmog dana od dana objavljivanja u "Službenom glasniku BiH".

VM broj 309/09
10. decembra 2009. godine
Sarajevo

Predsjedavajući
Vijeća ministara BiH
Dr. **Nikola Špirić**, s. r.